

Nos Artista

Bertha Wolff



Sra. Wolff-Croes a nace na Aruba dia 26 di juni 1951, e ta casa cu Ruben Wolff, for di cual matrimonio a nace 2 jiu, Rudberth Wolff di 21 aña y Airisse Wolff di 19 aña.

Actualmente ta traha na Ohra Hypotheekbank N.V. ya pa casi 8 aña, cu mas di 30 aña di experiencia den sector bancario y pa 15 aña den sector di aseguro.

Den su hubentud Sra. Wolff a practica deporte di Volleyball, Softball y Football.

Pa loke ta trata su hobby artistico, Sra. Wolff a cuminsa canta pa prome biaha den publico cu su 14 aña cu e grupo di aguinaldo "Las Margaritas" y despues di dos aña a canta cu e grupo "Estrellas Brillantes" y despues di un par di aña a forma parti di e grupo "Gaiteros Populares" hunto cu su rumannan Lindo Croes (dfm) y Ailene Croes y su sobrina Mayra Lopez.

Sra. Wolff ta bin di un famia di cantantenan, su mama tabata toca piano for di un edad hopi trempan, tur su ruman of ta canta of ta toca diferente instrumentonan of ta composita, nan ta un famia hopi uni y generalmente bo por mira sra. Wolff acompaña pa su famia durante diferente presentacionan.

Pa un temporada hopi cortico a canta algun biaha cu e banda Tight-Ups y cu "The Spiders" na fiesta di famia.

Hunto cu su ruman Ailene a canta 2 cancion durante Eleccion di Reina Juvenil den Wilhelmina Stadion.

Den añanan 1969/1970 a cuminsa canta den misa hunto cu Ailene pa ceremonianan di matrimonio, aniversario etc. y tambe na cas di famia,

Na aña 1979 a participa den e Festival pa dia di Mama y a termina na di **2 lugar** cu e cancion 'Recordando mi mama' a wordo graba riba un 45 acompaña pa "Los Campesinos".



Na aña 1979 a participa den e prome festival Mexicano y como **finalista** a participa na Corsow pa e festival di Antiyas y a termina na di **3 lugar**. Tur finalista a graba nan cancion riba e LP compaña pa Mariachi Perla di Aruba. Na aña 1997 a participa den e festival Mexicano y a termina na di **2 lugar** pa Aruba cu e cancion "Mi viejo".

Na September 1997, Sra. Wolff y Ailene a participa den e Festival di Voz Duo nan tabata **ganadornan absoluto** y na aña 1998 a sali ganador di e Festival Mexicano di Aruba.

Na aña 1999 Sra. Wolff a participa den e Festival di Papiamento cu e cancion titula "Doño di mi Curazon" compone pa e hoben Edseline Figaroa, cual cancion el a compone especialmente pa Sra. Wolff y su casa Ruben Wolff.

Sra. Wolff hunto cu Ailene Croes a dedica diferente homenahe na diferente personahenan den nos comunidad manera: Bianca Bossers (dfm), Lulu Croes (dfm), Vicente Tromp, Bubu Bislick, Juffrouw Nena, Programa di despedida dedica na Chaparita na januari ultimo.

Pa e celebracion dedica na "Virgen di Guadalupe" tur aña riba dia 12 di december, Sra. Wolff a ricibi un premio di reconocimiento for di "Top 95.1" na aña 1999

Pa cuatro aña consecutivo a participa den Festival "Voz di Seguro".

Na aña 1994 a participa den e Festival Bancario y a logra e titulo maximo como **ganadora**, cu e cancion aki tambe a participa den Festival di Festivalnan organiza pa Canal 90.

Tambe como gueststar Sra. Wolff den varios ocasion a ricibi e honor aki. E.o. Festival di Hotelnan na 'Radisson Hotel', Festival di Setar teni na Caiquetio etc., Celebracion di Himno y Bandera, riba Plaza Betico Croes.

Ya pa 7año ta forma parti tambe di 'E Coro di Kapel di Alto Vista'. Tambe a canta cu e mesun coro aki durante santo sacrificio di misa na 'Samba' y pa tres año na Misa.

Sra. Wolff ta organisadora di Festival "Cantante di Baño" na año 1998 y 1999 hunto cu Ailene Croes, Mayra Lopez, Esmeralda Tromp, Francis Jacobs y Lionel Croes.

Sra. Wolff ta gusta tambe e hobby di locucion y tawata tin su mesun programa radial e.o. 'Revolucion Huasteca' y "Fiesta Tropical na Radio 88.9 yama 'Chispa Crioyo' y na Top FM 95.1

Tambe Sra. Wolff a graba diferente cancionnan pa dia di Mama y dia di tata.

Den Festivalnan pa 18 di maart E cancion ta aparece riba e CD di Vicente Kelly y su Grupo pa e año aki

Na año 2001 a graba un CD cu Ailene, voz duo, cu ta contene 10 cancion na papiamento, 9 composicion di ruman Chaly Croes y 1 di Ailene Croes, cu arreglonan di su ruman Chinto Croes.



Pa loke ta trata participacion den nos Folklore y Festivalnan, a participa den Festival di Tipico na año 2001 el a termina na di **5 lugar** pa tipico y na di 3 lugar pa composicion.

Siguiente año a participa cu e cancion titula "Mi Madushi" y aki a termina na di **3 lugar**.

Na año 1988 a participa den Festival di Tumba el a termina den finalista.

Na año 1999, 2002 y 2003 a participa na Festival di Tumba.

Mayoria cancionnan ta graba riba un Verzamel CD di Watapana Recording Studio.

Na año 2000 y 2002 riba invitacion di Efraim Antonio y Gerald Kross, el a participa den e Show "Nostalgia Navideño" na Tropicana Showroom.

Pa loke ta trata e musica di gaita pa fin di año Bertha a forma parti di e grupo "Sabor Gaitero" na año 2000 y na año 2001 a inicia "Gaita Express" y a hasi diferente presentacion na algun sitionan na Aruba, e.o. Hotel, Restaurant, casnan comercial etc.

A graba un CD di gaita cu ta contene 8 cancion di cual 1 ta composicion/letra di Bertha mes y ta titula "Mi Idolo ta Hesus" un gaita tradicional.

Awor mas cu nunca Bertha tin deseo di sigui participa mas den cultura y folklore, canto y actividadnan social. Bertha su deseo grandi ta di forma su coro, cu amistadnan y famia y graba su Gospel CD cu tin un bunita meta su tras.